

Martxoak 8, Privatizazioaren aurrean, zaintza sistema komunitarioa! Zaintza lanak aitortu eta banatu



Milaka izan ginen 2023ko azaroaren 30ean Greba Feminista Orokorrean kaleetara atera ginenak aldarrikapen argi batekin: zaintza eskubide kolektiboa bermatzeko Zaintza Sistema Publiko Komunitarioa garatu behar dela. Emakumeon* esplotazioaren gain bizirauten duen zaintza sistema hau kolapsatu egin dela gero eta agerikoagoa da: gaur egungo zaintzen antolaketa soziala jasangaitza da.

Egoera horren adierazle da instituzioek, (boterean dauden alderdien aldetik) privatizazioa sustatzearen ondorioz, negozioa egitea eta zaintza sektorearen prekarizazioa basatia. Bizitza sostengatzeko ezinbestekoak diren lan hauei dagokien balioa eman beharrean, kapitala metatzen jarraitzeko baliatzen dituzte instituzioek zein patronalek, inolako lotsarik gabe.

Greba egunean, besteak beste, instituzio guztiei denon bizitzekiko arduraren exijitu genien: mahai interinstituzional bana eskatu genien euskal gobernuei. Baina, zaintzak demokratizatuko dituen Euskal Zaintza Sistema Publiko Komunitario bat eraikitzeke adostasun sozialaren aurrean, erantzukizunari entzungor egin, eta, eredia aldatzetik urrun, horretan sakontzen jarraitzen dute.

Ez dago inolako konpromiso politikorik privatizatutako zerbitzuak publikatzeko, eta, aldiz, zaintza zerbitzuen eta zaintzaileen prekarizazioaren aldeko apustua egin du egun gobernatzen ari den EAJK, "Euskal Zaintzen Ituna"-ren lelopean, EAE-ko hauteskunderen atarian.

Are, itun horrek bizkarra eman dio Mugimendu Feministak gidatutako prozesuari eta entzungor egin die mahai gainean jarritako proposamen guztiei. Zaintza Sistema Publiko Komunitarioaren inguruan hitz egitera behartuak izan badira ere, praktikan, haien helburu bakarra orain arteko bidea betiketzea da: zerbitzu publikoak privatizatu, zaintza langileen lan baldintza prekarioetan aldatetarik ez, lurraldeen arteko desorekak mantendu...

Guk, ordea, agenda sozial bateratuaren aldeko apustua egiten jarraitzen dugu; estrategia komunak

josi eta zaintzen problematika agendaren erdigunean mantentzeko beharra daukagu. Zaintza lanak ikusarazi, dagokien balio soziala eman eta krisia azaleratzen jarraituko dugu, herriz herri, lantokiz lantoki eta kaleetan, mobilizazioen bidez. Urgentziak mahai gainean jarri eta aktibazio sozialarekin, arduradunak interpelatu:

1. Zaintza sistema publiko komunitarioa garatu behar da, zeinak bizi eta lan baldintza duinak bermatuko dituen. Pribatizazioarekin amaitu eta publikazio prozesuak bultzatzeko planak behar dira. Era berean, ratioak hobetzea urgentzia bat da.
2. Zaintza lanen kolektibizazioaren norabidean, lanaldia murriztu eta kontziliazio eta erantzukidetasun neurriak behar ditugu.
3. Zaintzako langileen lan baldintzak duindu, hitzarmenen negoziazioan borrokatzen ari garen norabidean: langileen erosahalmena bermatu, ratioak handitu, lizentziak edota bestelako baimenak hobetu, negoziazio kolektiboa desblokeatu...
4. Zor patriarkalaren aitortza eta errekonozimendu sozial, politiko eta ekonomikoa orain.

Borroka sindikal feministaren bidez, anbizioz jarraitzen dugu hasitako bide honetan. Desaktibazio soziala helburu duten hitzarmen eta itunen aurrean, Mugimendu Feministarekin eta Denon Bizitzak Erdigunean jartzeko Herri Akordioa izenpetzen dugun eragile guztion artean aliantzak eraikitzen jarraituko dugu. Alderdi eta instituzioei dagokien ardura har dezaten eskatzen jarraituko dugu: pribatizazioaren aurrean, zaintza sistema publiko komunitarioa garatzeko. Zaintza lanak aitortu eta banatzeko.

Gasteiz: 18:00etan San Antonetik
Bilbo: 19:00etan Jesusen Bihotzetik
Donosti: 18:30ean Antiguoko Tuneletik
Iruñea: 19:00etan Antoniuttitik
Baiona: 18:00etan Herriko etxeko plazatik